

理事無礙觀：

標	內文		備註
	理事無礙觀第二，但理事鎔融存亡逆順，通有十門		總說十門
釋	一、理遍於事門	二、事遍於理門	一、二門
	謂：能遍之理性無分限， 所遍之事分位差別。 ——事中，理皆全遍非是分遍。 何以故？ 以彼真理不可分故。 是故——纖塵皆攝無邊真理無不圓足。	謂：能遍之事是有分限， 所遍之理要無分限。 此有分限之事，於無分限之理， 全同非分同 。何以故？ 以事無體還如理故。 是故一塵不壞而遍法界也。 如一塵，一切法亦然思之。	理：無分限 事：有分限 釋何以相遍
喻	1.	此全遍門 超情難見 ，非世喻能況。 如全大海在一波中而海 非小 ，如一小波匝於大海而波 非大 。 同時全遍於諸波而海 非異 ，俱時各匝於大海而波 非一 。	小大無礙 一異無礙
	2.又大海全遍 一波 時，不妨舉體全遍於 諸波 ； 一波 全匝大海時， 諸波 亦各全匝，互不相礙。思之。		內外無礙
答	1.問：理既全體遍一塵，何故非小？ 既不同塵而小，何得說為全體遍於一塵？ 又一塵全匝於理性，何故非大？若不同理而廣大，何得全遍於理性？ 既成矛盾，義極相違。	答： 理事相望，各非一異 ， 故得全收而不壞本位 。 先 理望事 有其四句： 一、真理與事非異故，真理全體在一事中。 二、真理與事非一故，理性恒無邊際。 三、以非一即是非異故，無邊理性全在一塵。 四、以非異即是非一故，一塵理性無有分限。 次以 事望理 亦有四句者： 一、事法與理非異故，一塵全匝於理性。 二、事法與理非一故，不壞於一塵。 三、以非一即非異故，一小塵匝無邊真理。 四、以非異即非一故，匝無邊理而塵不大。 思之。	小大、一異問題合併問難。 以事理非一非異之關係解答之。
	2.問：無邊理性全遍一塵時，外諸事處為有理性？為無理性？ 若塵外有理，則非全體遍一塵； 若塵外無理，則非全體遍一切事。 義甚相違。	答：以一理性融故，多事無礙故。故得全在內而全在外，無障無礙。是故各有四句。	內外問難

		先就理四句者： 一、以理性全體在一切事中時，不礙全體在一塵處。是故在外即在內。 二、全體在一塵中時，不礙全體在餘事處。是故在內即在外。 三、以無二之性，各全在一切中故。是故亦在內亦在外。 四、以無二之性，非一切故。是故非內非外。 前三句明與一切法非異，此之一句明與一切法非一。良為非一非異故，內外無礙。 次就事四句者： 一、一事全匝於理時，不礙一切事法亦全匝。是故在內即在外。 二、一切事法各匝於理時，不礙一塵亦全匝。是故在外即在內。 三、以諸事法，同時各匝故。是故全在內亦全在外，無有障礙。 四、以諸事法，各不壞故。彼此相望，非內亦非外。思之。	
--	--	--	--

理事無礙觀：第三～十門

標	釋		喻
三、依理成事門	謂事無別體要因真理而得成立。	以諸緣起皆無自性故，由無性理，事方成故。	如波攬水以成動，水望於波能成立故。依如來藏得有諸法。當知亦爾。思之
四、事能顯理門	謂由事攬理故，則事虛而理實	以事虛故，全事中之理挺然露現。	如由波相虛，令水體露現。當知此中道理亦爾。思之。
五、以理奪事門	謂事既攬理成，遂令事相皆盡，唯一真理平等顯現。	以離真理外，無片事可得故。	如水奪波，波無不盡。此則水存已壞波令盡。
六、事能隱理門	謂真理隨緣成諸事法。	然此事法既違於理，遂令事顯，理不顯也。	如水成波，動顯靜隱。經云：法身流轉五道，名曰眾生。故眾生現時，法身不現也
七、真理即事門	謂凡是真理必非事外。	以是法無我理故。事必依理，理虛無體故。是故此理舉體皆事，方為真理。	如水即波，無動而非濕故，即水是波。思之。
八、事法即理門	謂緣起事法必無自性。	無自性故，舉體即真。故說眾生即如，不待滅也。	如波動相，舉體即水。故無異相也。
九、真理非事門	謂即事之理而非是事。	以真妄異故，實非虛故，所依非能依故。	如即波之水非波，以動濕異故。
十、事法非理門	謂全理之事，事恒非理。	性相異故，能依非所依故。是故舉體全理，而事相宛然。	如全水之波，波恒非水。以動義非濕故。
此上十義同一緣起，約理望事，則有成、有壞、有即、有離； 事望於理，有顯、有隱、有一、有異。 逆順自在無障無礙，同時頓起。深思，令觀明現。 是謂「理事圓融無礙觀」。			